

Lan-eskaintzen erregistroa 2020ko otsailean

ERREGISTRATUTAKO LAN-ESKAITZA KOPURUA

2020ko otsailean Euskal Autonomia Erkidegoko enplegu-bulegoetan erregistratutako lan-eskaintzen kopurua 1.005 izan da, urtarrilean baino 287 gutxiago eta joan den urteko otsailean baino 210 gutxiago. Egunean batz bestez 50 eskaintza erregistratu dira, aurreko hilean baino 11 eskaintza gutxiago egunean.


• LURRALDE HISTORIKOAK

Kudeaketako Administrazio Unitatearen (KAU) lurralde historikoari erreparaturik, 2020ko otsailean 153 lan-eskaintza erregistratu dira Araban, 375 Gipuzkoan eta 477 Bizkaian. Lan-eskaintzen %47,5 Bizkaiko KAUetan erregistratu dira, %37,3 Gipuzkoan eta % 15,2 Araban.

Aurreko hilabetearekin alderatuz, Araban %14 murriztu dira eskaintzak (25 eskaintza gutxiago), Bizkaian %9,1 (48 eskaintza gutxiago) eta Gipuzkoan, azkenik, igoera %36,3koa izan da (214 eskaintza gutxiago).

Aurreko urteko hilabete berberarekin alderatuz, Araban 12 eskaintza gutxiago erregistratu dira, %7,3ko murrizketa. Bizkaian eta Gipuzkoan, ere, eskaintza kopurua murriztu egin da, %13,6ko murrizketa lehen kasuan (-75) eta %24,7 Gipuzkoan (123 eskaintza gutxiago).

Eskaintzaren Lurralde Historikoa



• LAN-ESKAITZAKO LANBIDEA

Bost lanbide-profilek biltzen dituzte EAEn erregistratutako lan-eskaintza gehienak. Zerbitzuetan 200 eskaintza erregistratu dira (% 19,9ko pisua); industriako profilak jarraitzen dio (192 eskaintza, %19,1eko pisua). Zientziako teknikarien, laguntzako teknikarien eta ez-kualifikatuen lanbide-profilek ere pisu nabarmena dute erregistratutako lan-eskaintzetan; 162, 134 eta 120 eskaintza erregistratu dira, hurrenez-hurren. Lan-eskaintza gutxien erregistratu diren profilak lehen sektorea (18) eta zuzendariak izan dira (6).

Aurreko hilabeteko datuekin alderatuz, eskaintza guztiak murriztu dira industriakoak izan ezik; horien kasuan hazi egin baita eskaintza 19tan (%11ko hazkundera). Kopuru absolutu eta erlatiboetan gehien murriztu diren eskaintzak ez-kualifikatuen profilekoak izan dira (82 eskaintza gutxiago, % 40,6ko murrizketa).


Urte arteko saldoari erreparaturik, profil gehienak murriztu dira. Gehien murriztu direnak, bai kopuru absolutu zein erlatiboetan, ez-kualifikatuen profileko eskaintzak izan dira (55 eskaintza gutxiago, %31,4ko murrizketa). Bilakaera positiboa izan duten profil bakarrak jarduera administratiboak eta lehen sektorekoak izan dira; 2 eta 3 eskaintza gehiago, % 2 eta % 20ko hazkunderak, hurrenez hurren.

Lan-eskaintzen erregistroa 2020ko otsailean

• K O N T R A T U M O T A

Erregistratutako lan-eskaintzen % 14,6k kontratu mugagabea eskaini dute; % 84,3k, aldi-baterakoa, eta, gainontzeko % 1,1ek, merkataritzakoa. Balio absolutuetan, kontratu mugagabeen eskaintzak 147 izan dira, 37 gutxiago aurreko hilabetearekin alderatuz, %20,1eko murrizketa. Aldi baterako kontratuak eskaini dituzten eskaintzak 251 gutxiago izan dira: 847 eskaintza gutzira. Kopuru erlatiboetan murrizketa %22,9koa da. Azkenik, merkataritzako kontratuen 11 eskaintza izan dira otsailean, aurreko hilean baino 1 gehiago.

Urte arteko saldoari dagokionez, kontratu mugagabeen 17 eskaintza gutxiago erregistratu dira (%10,4ko murrizketa); aldi baterako kontratuen eskaintzak ere, murriztu egin dira (189 eskaintza gutxiago, -%18,2), eta, azkenik, merkataritzako kontratuen kopurua 4 eskaintzatan murriztu da.




• E S K A T U T A K O E S P E R I E N T Z I A - D E N B O R A

2020ko otsailean erregistratutako lan-eskaintzen %69,4k (697 eskaintza) 0 tik 6 hilabetera arteko esperientzia minimoa eskatzen dute. Eskaintzen %17,3k (174) esperientzia-denbora luzeagoa eskatzen du, 6 hiletik 12ra artekoa.

Portzentaia txikiagoak dituzte esperientzia-denbora luzeagoak eskatzen dituzten eskaintzek; 3 urtetik 5 urtera eskatzen dutenek, hain zuzen; %1,7koa (17 eskaintza) eta 5 urte baino gehiago eskatzen dutenek %0,4koa (4 eskaintza).

Hilabete arteko eboluzioari dagokionez, eskaintza mota guztiak murriztu dira. Gehien murriztu diren eskaintzak, balore absolutuetan, 0 eta 6 hilabete arteko esperientzia eskatzen dutenak izan dira (229 eskaintza gutxiago, %24,7ko murrizketa). Balio erlatiboetan 5 urte baino gehiagoko esperientzia eskatzen dutenak izan dira igoera handiena izan dutenak (-%33,3, 2 eskaintza gutxiago).

Urte arteko konparaketari dagokionez ere, eskaintza guztiak murriztu dira. Kasu honetan ere, balio absolutuetan, 0 eta 6 hilabete arteko esperientzia eskatzen dutenak izan dira gehien jaitsi direnak; 129 eskaintza gutxiago (%15,6ko murrizketa. 5 urte baino gehiagoko esperientzia eskatzen dutenak, berriz, izan dira murrizketa handiena jasan dutena balio erlatiboetan; %33,3 (2 eskaintza gutxiago).




Lan-eskaintzen erregistroa 2020ko otsailean

• LANALDI MOTA

Analisiarekin hasi baino lehen, esan beharra dago ez dutela erregistratutako eskaintza guztiek zehazten zein izango den lanaldi mota: soilik eskaintzen %15ek zehazten du datu hori (1.005 eskaintzetatik 151). 151 eskaintza horietatik, 114 lanaldi osoa eskaintzen dutenak izan dira, eta, gailentzeko 37ak lanaldi partziala eskaini dute.

Eboluzioari dagokionez, lanaldi osoko 42 eskaintza gutxiago erregistratu dira urtarilarekin alderatuz (% 26,9ko murrizketa). Lanaldi partzialeko eskaintzak 5 gutxiago izan dira (-% 55,6).



Aurreko urteko hilabete berberarekin alderatuz, eboluzioa hurrengoa da: lanaldi osoko 46 eskaintza gutxiago izan dira (%15,6ko murrizketa); lanaldi partzialeko eskaintzen kasuan, 5 gutxiago erregistratu dira (%11,9ko murrizketa). Aztertutako hiru hilabeteetan (2020ko urtarila, 2019ko otsaila eta 2020ko otsaila), lanaldi partzialeko eskaintzen pisu handiena 2020ko otsailean izan zen, %24,5eko pisuarekin, lanaldi mota zehazten duten eskaintza guztien artean.

• ALDI BATERAKO LANERAKO ENPRESAK (ABLE)


Erregistratutako eskaintzen % 2 izan dira ABLEen bitartez kudeatu direnak, 1.005 eskaintzetatik 20. Aurreko hilean 18 izan ziren eta 2019ko otsailean 21.

• ESKATUTAKO PRESTAKUNTZA MAILA

Adierazle honi buruzko datuak ere ez dira beti zehazten lan-eskaintzak erregistratzeko orduan. Eskaintzen % 84,8k ez du zehazten zein den eskatutako prestakuntza maila minimoa: 1.005 eskaintzetatik 153k soilik zehaztu dute.

153 eskaintza horietatik, 71k LHko prestakuntza maila eskatu dute (%46,4k); gehien eskatu den prestakuntza maila izan da. Horiei jarraiki, unibertsitateko ikasketak eta derrigorrezkoak eskatzen dituztenak daude, 36 eskaintza bi kasuetan. Azken lekuan, batxilergoko ikasketak eskatzen dutenak daude, erregistratutako 10 eskaintzekin, eta %6,5eko pisua dute erregistratzeko orduan adierazle hau zehaztu duten 153 eskaintzen artean.

Eskatutako gutxieneko prestakuntza maila



Eboluzioari dagokionez, esan beharra dago otsailean, urtarilean baino lan-eskaintza gutxiagotan zehaztu dela prestakuntza maila (153 eskaintza otsailean; 180 urtarilean), baina, hauen pisua eskaintza guztien artean, haundiagoa izan da (%15,2 otsailean eta % 13,9 urtarilean).

Hilabete arteko erlazioari erreparatuz, eskaintza mota guztiak murriztu dira. Unibertsitateko ikasketak eskatzen dituztenak izan dira gehien murriztu direnak, 18 eskaintza gutxiago (%33,3ko murrizketa).

2019ko otsailarekin alderatuz ere, eskaintza mota guztiak murriztu dira. Balio absolutuetan, gehien murriztu direnak, LHko ikasketak eskatzen dituztenak izan dira (36 eskaintza gutxiago,

Lan-eskaintzen erregistroa 2020ko otsailean

%33,6ko jaitsiera); balio erlatiboetan, aldiz, unibertsitate ikasketak eskatzen dituztenak izan dira (%39ko jaitsiera, 23 eskaintza gutxiago).

• ESKAINTZAREN JARDUERA

EAEko enplegu-bulegoetan erregistratutako lan-eskaintzen kopuruari dagokionez, gehien nabarmentzen den jarduera manufaktura industria izan da, eskaintzen % 18ko pisuarekin (181 eskaintza guztira). Garrantzitsua izan da ere merkataritza ere; %13,8ko pisua eta 139 eskaintza izan ditu jarduera honek.

Aurreko hilari erreparatuz gero, gehien murriztu diren eskaintzak, jarduera administratibokoak eta osasun jarduera eta gizarte zerbitzuak izan dira izan dira (91 eta 80 eskaintza gutxiago, % 51,1eko eta %56,3ko murrizketa, hurrenez hurren). Gutxi izan dira hazi diren eskaintzak eta hauetatik bilakaera hoberena lehen sektoreak izan du (7 eskaintza gehiago, %100eko hazkundea).

Urte arteko saldoari erreparatuz, behera gehien egin dutenak, merkataritza (-46 ,-% 24,9) eta eraikuntzako (-30,-%25,9) eskaintzak izan dira. kopuru erlatiboetan, aldiz, ur-horniketakoak (-5, -% 55,6). Esan beharra dago, urte arteko konparaketan ere, gutxi izan direla saldo positiboa izan duten jarduerak; gehien hazi diren eskaintzak lehen sektorekoak izan dira (14 eskaintza aurtun, 9 iazko otsailean).

Eskaintzaren jarduera

